

# سر ريمونتادا .. " حلقة خاصة و هامة جداً " .. #ريمونتادا .. د .

## حازم شومان

حازم شومان

اعلن جيش الاحتلال الاسرائيلي انه قصف اكثر من خمسة وثلاثين هدفا عسكريا في قطاع غزة اليوم يا الله. السهم اللي برموه علينا نخاف منهم. لا ما حصرتوش. العالم كلها ابتدائية وانا اللي حابب عشان اكسر. رايعين وادى القصف الى وقوع اضرار - [00:00:00](#)

المادية في المواقف. سلام يا كويت. ديفيد. سلام يا حبيبي طبعاً يا ديفيد انت عارف انا ليه طلبتك. وعارف انا ليه وقد ايه مبسوط دلوقت انتم عارفين يا شباب انا جاي لكم ليه النهاردة. خير يا كوهين في ايه؟ اكيد يا ديفيد انت شفت الماتش بتاع امبارح. ماتش الليفربول وريال مدريد - [00:00:30](#)

واكيد شفت آآ اصابة الولد ده اللي اسمه محمد صلاح اصابة الولد ده قطعت في قلبي يا ديفيد. قطعت في قلبي. وانت من امتى وانت بتفهم في الكورة اصلاً يا كوهين؟ الناس بتسألني من امتى - [00:00:51](#)

انت لك في الكورة من امتى رومانتادا ومعلومات كروية الموضوع مش كورة يا شباب. الموضوع اكبر من كده. الموضوع مش موضوع كورة وبس يا حبيبي الموضوع اكبر من كده بكتير. اصابة محمد صلاح عملت ضجة في السوشيال ميديا مش ممكنة - [00:01:06](#)

ولازم نستغل انشغال العرب في الفترة دي ونعيد على اصحابنا اللي في غزة ونصبح عليهم بكام صاروخ من بتوعنا. وهتبقى مجرد ضربة مبدئية لكل الخطط اللي بعد كده لا يا كوهين احنا جربنا الطريقة دي قبل كده. وكل مرة الرأي العام بيتقلب ضدنا. انا كنت خايف ان الناس تنشغل عن فلسطين والقدس وغزة بسبب - [00:01:26](#)

الكورة. لكن قلت لا يمكن ابدأ الشباب هينشغلوا عن قضايا امتهم لاي سبب من الاسباب مش معقول يا ديفيد مش معقول انت معنا كل السنين دي ولسه بالغباء ده. مش معقول - [00:01:49](#)

احنا مش صغيرين يا دفت احنا دارسين كل حاجة كويس ضرباتنا اللي فاتت كلها كانت ردود الافعال فيها بتقل تدريجياً. وتوقعاتنا ودراستنا بتقول ان الضربة اللي جاية متوقع لها ان ردود الافعال فيها تبقى شبه معدومة - [00:02:04](#)

ولكن للأسف اللي انا كنت خايف منه حصل نفز اللي باقول لك عليه. ابعت التقارير انت عارف انت هتبعثها فين وهم عارفين هم هيعملوا ايه مسابقة يا شباب لو جينا على باب استاد ايكاتيرميرج ارينا اللي مصر هتلعب فيه مع اوروجواي في مونديال روسيا الفين وتمنتاشر ووقفنا على باب الاستاد - [00:02:21](#)

بعد المباراة وشفنا الشباب بتوعنا احنا اللي خارجين من المباراة. وعملنا مسابقة ما بين الشباب. السؤال الاول اغلى هداف في العالم. يا ترى نيمار ولا ميسي ولا مروان محسن؟ السؤال الثاني الصورة اللي وهي متنزلة سبعين الف ملك جأروا بالتسبيح وهم مع السورة وهي - [00:02:41](#)

تتنزل من السماء السابعة للدنيا. يا ترى هذه السورة الانعام ولا البقرة ولا الفاتحة؟ السؤال الثالث مين اللعيب المصري اللي جاب الهدف الوحيد الوحيد اللي مصر جابته في كاس العالم في مونديال ايطاليا سنة تسعين. يا ترى مجدي عبدالغني ولا حسن شحاتة ولا محمود الخطيب؟ السؤال الرابع مين - [00:03:01](#)

الصحابي اللي النبي عليه الصلاة والسلام قال له اما ترضى ان تكون مني بمنزلة هارون من موسى علي ابن ابي طالب ولا شروجيل

ابن حسنى ولا انس ابن مالك يا ترى يا شباب - 00:03:21

يا ترى يا بنات السؤال الاول والثالث الكرويين الرياضيين كم في المية من الشباب هيجابو عليه؟ والسؤال الثاني والرابع الدينيين  
اللي في القرآن وسيرة صحابة النبي عليه الصلاة والسلام كان في المية من الشباب هيجابو عليه انا مش هقول انا عايزكم انتم اللي  
تحكمم فوجئنا كلنا في المرة في اليوم اللي محمد صلاح - 00:03:31

اللي بندعي له ان ربنا يشفيه سبحانه وتعالى. اليوم اللي محمد صلاح اصيب فيه في ماتش ليفربول وريال مدريد هو نفس اليوم. اللي  
غزى اتضربت فيه من اليهود بخمسة وعشرين صاروخ كان جراء القزف ده مية وخمسين طفل وطفلة. وراجل وامرأة اتقتلوا. تخیلوا  
في نفس الوقت في نفس - 00:03:51

ده حصل هنا وده حصل هنا فوجئنا كلنا واتفزعنا كلنا بان معزم ردود الافعال كانت مع محمد صلاح وهيقدر يلعب في كاس العالم ولا  
لا في في حين انه يتكلموا عن غزة وفلسطين والمسجد الأقصى كانت حاجة قليلة جدا يا شباب. انا ما باقولكشي ما تلعبش كورة ما  
باقولكش ما تتفرجش على مباراة - 00:04:11

ما باقولكش ما تفرحش لما يبجي جون. ولكن انا باقول لك لما تبقى شاب حياتك مليانة مشاكل. مش عارف هتتجوز امتي. مش عارفة  
هتتجوزي فين. مش عارف بتشتغل ايه وتقعده تتفرج على المباراة وبعد الانتصارات انتصار في المباراة. وبعد خمستاشر ساعة فرجة  
على الاستوديو التحليلي بعد المباراة لكل حركة - 00:04:31

في المباراة وبعد اسبوع على الانستجرام وعلى الفيس وعلى التويتز قاعد تتابع صور اللعيبه وتصريحات المدربين وبعد ما اتفرجت  
على الاجوان وهي بتتعداد خمسين مرة باصوات مزيعين مختلفين. تفوق بعد كل ده. تلاقي نفسك لسه مكانك. وانت لسه مكانك. لا انت  
عارف هتتجوز امتي ولا - 00:04:51

متجوز فين ولا هتشتغل ايه وحياتك مليانة مشاكل. يا شباب احنا اتعلمنا ان الزنا حرام وان السرقة حرام بس ما اتعلمناش ان الهروب  
حرام. ما تعلمناش عدم الاحساس بالقضية والهدف حرام. عشان كده الكورة لعبة بترفه بها عن نفسك. ما فيش مشكلة. ولكن اوعى  
تحول الكورة لمخدر - 00:05:11

يخدرك عن احساسك بالواقع اللي انت عايش فيه. يخدرك عن مشاكلك وعن احلامك. واجه وعيس ما باقولكش ان الكورة ما تلعبهاش.  
ما باقولكش انك ما تتفرجش على مباراة الكورة. ما باقولكش انك ما تفرحش لما يبجي جون. ولكن انا باقول لك ما تبقاش -  
00:05:31

تفاصيل حياة لاعب لاعب. وما انتاش عارف تفاصيل سيرة النبي عليه الصلاة والسلام. ما تبقيش ما تبقاش عارف اسماء اللعيبه للاعب  
لاعب ومش عارف اسماء العشرة المبشرين بالجنة ما يبقاش الشاب مبهور باللعب اللي جاب الجون في المقص. وما هوش مبهور  
بالصحابه اللي غيروا العالم في خمسة وعشرين سنة. ما يبقاش الشاب مشغول بهدافين - 00:05:49

كورة ومش مشغول بابطال الاخرة. اصحاب النبي عليه الصلاة والسلام. افكر كويس اوي انك انت في القبر بتاعك مش هتتسأل انت  
اهلاوي ولا زملكاوي. وانت مش هتتسأل انت بتشجعي ريال مدريد ولا برشلونه. ولكن انت هتتسأل ما دينك؟ انت عملت ايه  
للاسلام؟ ووقفت مع الاسلام في قضايا زي اللحزة اللي باكلكم فيها دلوقتي - 00:06:09

والغزة بتضرب والمسجد الأقصى بيعتدى على المصلين فيه. انت هتتسأل ما باقولكشي ما تلعبش كورة. ما باقولكشي ما تتفرجش على  
ما باقولكش ما تفرحش لو فيه جون جه ولكن انا باقول لك انا باقول لك في الوقت اللي انا عارف انتم مخنوقين قد ايه فيه يا شباب  
والمجتمع كله تعبان قد ايه - 00:06:29

والناس همومها كتير قد ايه. باقول لك ربنا سبحانه وتعالى بيقول قد جعل الله لكل شيء قدرا. يبقى افرح بالمباراة على قد المباراة  
وافرح ان المسجد الأقصى رجع على قد المسجد الأقصى. ازل ان فريقك خسر ماتش على قد الماتش. وازعل ان مية وخمسين طفل  
وطفلة - 00:06:49

وامرأة اتقتلوا في قصف اليهود لغزة على قد قضية فلسطين. افرح ان فيه معصية قدرت تخلص منها على قد انك انت اتصالح مع

ربنا الفرحة الكبيرة لما المسجد الأقصى يرجع. الفرحة الكبيرة لما تصلي في المسجد الأقصى وهو محرر. الفرحة الكبيرة لما تنتصر على الشيطان في علاقة محرمة مع واحدة. قدرت - [00:07:09](#)

او في ادمان مخدرات او خمرة قدرت تسببه. او في انك انت لبستي الحجاب الشرعي السليم. الفرحة الكبيرة لما انت تقدر في ليلة العيد تبقى زي ليلة سبعة وعشرين مع ربنا دي الفرحة الكبيرة بجد. الفرحة لما تقدر تعمل مشروع دنيوي ناجح. ربنا يأمن لك به مستقبلك في الدنيا. الفرحة لما تاخدي شهادة في ايديك تقدري تنفعي به - [00:07:29](#)

فيها دينك ووطنك وامتك ما باقدرش. ما باقولكشي انك انت ما تلعبش كورة. ما باقولكشي انك انت ما تتفرجش على مباراة. انا مش جاي جاي اقول لكم الوقتي يا شباب ما تفرحش لما يبجي جون. ولكن انا جاي اقول لك الوقتي ان اوعى تنسى اوعى تنسى قضايا امتك. لما غزة تبقى بتضرب - [00:07:49](#)

بالصواريخ. لما المسجد الأقصى يبقى بيعتدى على المصلين فيه. لما سوريا الروس قصفوها لدرجة ان هم هدوا الانقاض على اشلاء اطفالنا واولادنا المسلمين ولدرجة ان المستشفيات اتقصفت. اوعى تنسى قضايا امتك في اللحظة دي. والا وقاعد قدام المباراة والامة - [00:08:09](#)

بتلتهب نار انا خايف ان لو ربنا اطلع على شاب او بنت في اللحظة دي يسقط من نزر الله. ما باقول لكش ما تلعبش كورة. ما باقولكش ما تتفرجش على - [00:08:29](#)

ولكن ما تبقاش يبقى نبقي في رمضان وابواب الجنة التمانية مفتوحة. وابواب الجنة التمانية وربنا سبحانه وتعالى فتح لنا شيكات على بياض لاجابة الدعاء وفرص للعتق من النار وانا ابقي مشغول بماتش كورة. مشغول بالمباراة عن ابواب الجنة التمانية. مشغول بايه؟ عن ايه؟ ما باقولكشي - [00:08:39](#)

انكر ان ميسي ورونالدو وابراهيموفيتش وريال مدريد وبرشلونة وليستر ميسي وليفربول انا ما باقولكش انكر ان دول حققوا انجازات كبيرة وان ورا نجاحهم قصص كفاح في الدنيا. ولكن انا باقول لك ان لو انت هتأخذ لعيب كورة سواء مسلم او غير مسلم هتأخذه منه - [00:09:00](#)

بمهاراته اوعى تنسى ان مهاراته دي جوة المستطيل الاخضر بس. اوعى تنسى انك وانت بتنهر به كلعب كرة بس جوة المستطيل الاخضر بس. انما في الحياة وفي احلامك وفي اخلاقك. وفي معاملتك وفي حياتك وفي اهدافك العليا في الحياة. هو النبي عليه الصلاة والسلام بس واصحابه - [00:09:20](#)

رضوان الله عليهم. اوعى المعادلة دي تتكسر في حياتك. اوعى بدل ما تحلم انك تبقى زي النبي والصحابه في الدنيا وفي الآخرة تبقى انت بتحلم انك انت تبقى مكان لعيب الكورة الفلاني - [00:09:40](#)

تاني الكورة يا اخواننا لعبة لعبة بيلعبها الملتزم وغير الملتزم. لعبة كلنا بنلعب كورة يا جماعة كلنا بنلعب هزه اللعبة في الحدود بتاعة اللعبة اللي انا انا برفه فيها عن نفسي ولكن ما ينفعش ان احنا نحولها لقضية حياة او موت. عشان كده ما باقولكشي ما تلعبش كورة. ما باقولكشي انك انت ما - [00:09:50](#)

لو جه جون. ما باقولكش انك ما تتفرجش على مباراة ولكن ده هيبقى حرام. لو فيه واحدة حامل في اشارة مرور ماتت لان الطرق كلها وقفة بعد المباراة لان الشباب بيعحتفلوا في الشوارع بالمباراة. باقول لك ده هيسقطنا من نزر الله سبحانه وتعالى. وده اللي انا خايف منه. لو الشباب والبنات - [00:10:10](#)

قولوا المدرجات لبداية علاقات محرمة واختلاط والبنات والميك اب وعروض ازياء في المدرجات والشباب بينظر للحرام في المدرجات. بقول لك ان ده ممكن غضب ربنا سبحانه وتعالى. لو مشجعين فريق هجموا على الفريق التاني زي ما حصل في بلادنا ومشجعين فريق قتله مشجع لفريق تاني. او ماتش كبير والارجنتين - [00:10:30](#)

لما تلتيمت واحد اتقتلوا في المدرجات من المشجعين لما هجموا على بعض. او في ماتش ليفربول ونوتنجهام. لما تسعة وتسعين واحد اتقتلوا غير طيب في المباراة بسبب التعصب. انا باقول لك ان ده هيبقى حرام. لو الادان امن وانت قاعد تتفرج على المباراة

وما قمتمش تصلي. انا باقول لك ان ده هيسقطنا من - [00:10:50](#)

نظر الله لو رحت من قبل المباراة باربع ساعات في الاستاد لا صليت ظهر ولا عصر ولا مغرب ولا عشاء وساعات صلاة الجمعة المدرج

كله ما حدش قام يصلي الجمعة - [00:11:10](#)

عشان يلحق مكانه في المباراة. باقول لك ان ده ممكن يجيب غضب ربنا سبحانه وتعالى لو اخوك بيتقتل في غزة واختك بيعتدى

عليها في حرم المسجد الأقصى. وابنك بيتقتل في فلسطين او في سوريا وانت قاعد قدام - [00:11:20](#)

الشامبيونليج ما بين ريال مدريد وما بين برشلونه. او قاعدة قدام البريميرليج ما بين ليفربول وليستر سيتي. او قاعد قدام الارجنتين  
والمانيا في المونديال او قاعد مشغول بالمباراة وربنا يسألك. ويسألك يوم القيامة يوم واحد ستة الفين وتمتاش. لما رزان النجار

المرضة الفلسطينية اتقتلت - [00:11:36](#)

اليهودي وهي بنت شابة زيها زيك وعندها احلام في دنيتها وفي دينها زيها زيك. لما اتقتلت انت كنت بتعمل ايه؟ انا كنت باتفرج على  
ماتش ليفربول ريال مدريد يا رب والاصابة اللي حصلت وراموس هتقول لربنا كده هتقدر انك انت تقولي لربنا كده انا خايف ان

احنا لو قلنا لربنا كده ساعتها - [00:11:56](#)

من نظر الله سبحانه وتعالى انا ما باقولكوش ان الكورة يا شباب آآ لعبها حرام او الفرجة على الماتش حرام ولكن قدوتك مين لاعب  
كورة هو قدوة كلاعب كورة في المهارات اللي هو عنده. ولا النبي عليه الصلاة والسلام هو قدوتك في الحياة والنموذج اللي انت نفسك

تبقى زيه. تسريحة شعرك لبسك حياتك - [00:12:16](#)

ومين وراه لاعب كورة ورا ورا النبي عليه الصلاة والسلام واصحاب النبي عليه الصلاة والسلام اهداف حياتك ورا مين ورا مين عشان  
كده يا شباب انا اعمل اللي انت عايزه ولكن اوعى تنسى قول الله سبحانه وتعالى اوعى تنسى قول الله سبحانه وتعالى رجال لا

تلهيهم تجارة ولا بيع عن ذكر الله واقام الصلاة - [00:12:36](#)

الصلاة اوعى تنسى قول الله سبحانه وتعالى واذا رأوا تجارة او لهوا انفضوا اليها وتركوك وتركوك قائما قل ما عند الله خير من اللهو  
ومن التجارة. يا شباب الكورة لعبة. بنرفه بها عن نفسنا. بقدرها لان ربنا جعل لكل شيء قدرا. ولكن ما ننفعش - [00:12:56](#)

عشان حولها قضية حياة او موت. او نحولها لقضية تعصب نموت بعض عشانها هوا. ونضيع ونهرب من مشاكلنا وقضايانا وهمومها  
عشانا انا جاي اقول لك الماتش حرام. انا جاي اقول لك حرام عليك وطنك. حرام عليك مستقبلك. حرام عليك شبابك. حرام عليك

امتك اللي مستنيك ومستنية - [00:13:16](#)

فخد بالك الكورة تتحط فين يا شباب؟ ما كانش هدفي من سلسلة رومانتاد يا شباب ان انا اتحول من داعي الى الله لمعلق رياضي كل  
هدفي من سلسلة ريمونتادا ان انا كنت اوصل لكم الرسالة دي. عشان كده الرسالة اللي انا قلتها لكم النهاردة دي امانة في رقبتك

وامانة في رقبتك - [00:13:36](#)

ان انتم توصلوها لكل الشباب على كل منتديات الكورة وصفحات الكورة وفي كل مكان. انتم ابطال السلسلة دي وانتم ابطال المشهد  
ده واحنا سفينة واحدة عايزين الشباب يستمتعوا ويفرحوا ويعيشوا حياتهم. ولكن على رضا الله وعلى مراد الله. ربنا يبارك فيكم يا

شباب. ربنا يفرح بقلوبكم يا شباب - [00:13:57](#)

كل سنة وانتم طيبين بالعيد المبارك. وانما العيد لمن اطاع الله. وكل سنة وانتم طيبين - [00:14:17](#)